

Udruženje poslodavaca je održalo sastanak sa Ministarstvom za rad i socijalnu politiku na kojem je istaklo svoje primjedbe na Prednacrt Zakona o mirnom rješavanju sporova. Prilikom izrada nacrtu većina primjedbi UPFBiH je ugrađena u Nacrt Zakona. Primjedbe koje nisu ugrađene u Nacrt Zakona dostavljamo u nastavku sa zahtjevom da se ugrade u konačan tekst Nacrta zakona. Usvajanjem navedenih primjedbi Zakon će biti primjenljiv u praksi.

Imajući u vidu da je cilj i svrha Zakona da se radnicima i poslodavcima olakša rješavanje radnih sporova, Udruženje poslodavaca u FBiH smatra da je potrebno donošenje Zakona o Mirnom rješavanju radnih sporova i podržava njegovo donošenje.

AMANDMANI UPFBiH NA NACRT
ZAKONA O MIRNOM RJEŠAVANJU RADNIH SPOROVA

PRIMJEDBA NA ČLAN 9.

Član 9. u Nacrtu Zakona glasi:

(1) Mirovno vijeće za teritoriju Federacije sastoji se od tri člana: po jednog predstavnika strana u individualnom, odnosno kolektivnom sporu, kao i jednog predstavnika - miritelja kojeg izaberu strane u sporu sa Liste koju utvrđuje u skladu sa ovim zakonom federalni ministar, a koji obavlja poslove predsjedavajućeg mirovnog vijeća.

(2) Mirovno vijeće iz stava (1) ovog člana formira rješenjem federalni ministar, u skladu sa ovim zakonom, u roku od dva dana od izbora miritelja iz člana 12. ovog zakona.

(3) Protiv rješenja iz stava (2) ovog člana nije dozvoljena žalba, ali se može pokrenuti upravni spor.

(4) Mirovno vijeće iz stava (1) ovog člana donosi pravila o postupku pred tim vijećem, kojima se uređuje djelokrug rada ovog vijeća, prava i dužnosti članova, način rada, održavanje sjednica, postupak odlučivanja na sjednicama ovog vijeća, rokovi obavještanja Ministarstva o toku i okončanju postupka i druga pitanja vezana za njegov rad, ukoliko ovim zakonom nije drugačije određeno.

(5) Administrativne poslove za mirovno vijeće formirano za teritoriju Federacije, vrši Ministarstvo.

(6) Postupak mirenja se u pravilu provodi u prostorijama Ministarstva, ali i u drugim prostorijama koje odredi miritelj.

(7) Troškove za rad člana mirovnog vijeća sa Liste koju utvrđuje federalni ministar, snosi Ministarstvo.

AMANDMAN I

U členu 9. stavu 2. iza riječi „ iz stava (1) ovog člana“ dodaju se riječi „ na prijedlog strana u individualnom, odnosno kolektivnom sporu“ a ostali dio teksta se nastavlja.

U istom členu u stavu 4. iza riječi „ovog člana“ dodaju se riječi „u roku od 3 dana“ a ostali dio teksta se nastavlja.

Obrazloženje

Uzimajući u obzir član 9. stav 1. i član 11. stav 3. Zakona, ostaje nejasno tko imenuje predstavnika poslodavca i predstavnika sindikata u mirovno vijeće. Da li je to federalni ministar ili strane u sporu? Naime, stavom 2. člana 9. je propisano da mirovno vijeće formira rješenjem federalni ministar, a u stavu 3. člana 11. nalaže se da strane u sporu u prijedlogu dostave podatke o predstavnicima strana. Kako ne bi došlo do nejasnoća i različitog tumačenja predlažemo da federalni ministar formira vijeće na prijedlog strana u individualnom, odnosno kolektivnom sporu.

Potrebno je utvrditi rok u kojem Mirovno Vijeće nakon formiranja treba donijeti Pravila o postupku pred tim vijećem. Imajući u vidu da je cilj postupka mirenja skraćivanje vremena za rješavanje sporova koji sudskim putem traje i po nekoliko godina smatramo da moraju biti utvrđeni i rokovi za određene radnje kako ne bi bilo mogućnosti da se i postupak mirenja odugovlači kao što je to bio slučaj sa radnim sporovima.

Nakon izmjene član 9. glasi:

(1) Mirovno vijeće za teritoriju Federacije sastoji se od tri člana: po jednog predstavnika strana u individualnom, odnosno kolektivnom sporu, kao i jednog predstavnika - miritelja kojeg izaberu strane u sporu sa Liste koju utvrđuje u skladu sa ovim zakonom federalni ministar, a koji obavlja poslove predsjedavajućeg mirovnog vijeća.

(2) Mirovno vijeće iz stava (1) ovog člana na prijedlog strana u individualnom, odnosno kolektivnom sporu formira rješenjem federalni ministar, u skladu sa ovim zakonom, u roku od dva dana od izbora miritelja iz člana 12. ovog zakona.

(3) Protiv rješenja iz stava (2) ovog člana nije dozvoljena žalba, ali se može pokrenuti upravni spor.

(4) Mirovno vijeće iz stava (1) ovog člana u roku od 3 dana donosi pravila o postupku pred tim vijećem, kojima se uređuje djelokrug rada ovog vijeća, prava i dužnosti članova, način rada, održavanje sjednica, postupak odlučivanja na sjednicama ovog vijeća, rokovi obavještanja Ministarstva o toku i okončanju postupka i druga pitanja vezana za njegov rad, ukoliko ovim zakonom nije drugačije određeno.

(5) Administrativne poslove za mirovno vijeće formirano za teritoriju Federacije, vrši Ministarstvo.

(6) Postupak mirenja se u pravilu provodi u prostorijama Ministarstva, ali i u drugim prostorijama koje odredi miritelj.

(7) Troškove za rad člana mirovnog vijeća sa Liste koju utvrđuje federalni ministar, snosi Ministarstvo.

PRIMJEDBA NA ČLAN 17

Član 17. u Nacrtu Zakona glasi:

- (1) Sporazum koji strane u individualnom, odnosno kolektivnom sporu postignu u postupku mirenja zaključuje se u pisanoj formi, obavezujući je za obje strane i ima snagu izvršne isprave.
- (2) Sporazum iz stava 1. ovog člana smatra se zaključenim kada ga potpišu strane u sporu i mirovno vijeće koje je učestvovalo u postupku mirenja.
- (3) Ako je između strana u postupku zaključen kolektivni ugovor, sporazum zaključen u postupku mirenja postaje sastavni dio kolektivnog ugovora.
- (4) Primjerak potpisanog sporazuma iz stava (1) ovog člana miritelj dostavlja Ministarstvu.
- (5) Ako strane u individualnom, odnosno kolektivnom sporu, uz pomoć miritelja u roku od 15 dana, od dana održavanja rasprave iz člana 16. ovog zakona ne zakluče sporazum o predmetu spora, miritelj proglašava mirenje neuspjelim i o tome obavještava strane u sporu i Ministarstvo.

AMANDMAN II

U članu 17. u stavu 2. iza riječi „mirenja“ briše se tačka i dodaju riječi „i svaka strana zadržava po jedan primjerak.“

U istom članu u stavu 4. iza riječi „Ministarstvu“ dodaju se riječi „u roku od 3 dana“.

Obrazloženje

Obzirom da je u stavu 4. propisano da se jedan primjerak Sporazuma dostavlja Ministarstvu podrazumijeva se da strane u sporu zadržavaju po jedan primjerak.

Međutim to nije jasno definisano. Kako se ne bi ostavio prostor za tumačenje odredbi potrebno je precizno definisati da svaka strana zadržava po jedan primjerak sporazuma.

Također u stavu (3) potrebno je odrediti rok za dostavljanje primjerka potpisanog Sporazuma Ministarstvu.

Nakon izmjene, član 17. glasi:

- (1) Sporazum koji strane u individualnom, odnosno kolektivnom sporu postignu u postupku mirenja zaključuje se u pisanoj formi, obavezujući je za obje strane i ima snagu izvršne isprave.

(2) Sporazum iz stava 1. ovog člana smatra se zaključenim kada ga potpišu strane u sporu i mirovno vijeće koje je učestvovalo u postupku mirenja i svaka strana zadržava po jedan primjerak.

(3) Ako je između strana u postupku zaključen kolektivni ugovor, sporazum zaključen u postupku mirenja postaje sastavni dio kolektivnog ugovora.

(4) Primjerak potpisanog sporazuma iz stava (1) ovog člana miritelj dostavlja Ministarstvu u roku od 3 dana.

(5) Ako strane u individualnom, odnosno kolektivnom sporu, uz pomoć miritelja u roku od 15 dana, od dana održavanja rasprave iz člana 16. ovog zakona ne zakluče sporazum o predmetu spora, miritelj proglašava mirenje neuspjelim i o tome obavještava strane u sporu i Ministarstvo.

PRIMJEDBA NA ČLAN 24.

Član 24. u Nacrtu Zakona glasi:

(1) Za miritelja i arbitra može da bude izabrano punoljetno lice koje ispunjava sljedeće uvjete:

a) da je državljanin Bosne i Hercegovine,

b) da ima visoku stručnu spremu, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja i najmanje pet godina radnog staža u oblasti radnih odnosa,

c) da je istaknuti stručnjak u oblasti radnih odnosa, odnosno da ima iskustvo u oblasti socijalnog dijaloga i kolektivnog pregovaranja, d) da nije osuđivano za krivično djelo.

(2) Za arbitra može da bude izabrano punoljetno lice koje ispunjava sljedeće uvjete:

a) da je državljanin Bosne i Hercegovine,

b) da ima visoku stručnu spremu, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja za sticanje diplome pravne ili upravne struke i najmanje deset godina radnog staža u oblasti radnih odnosa,

c) da je istaknuti stručnjak u oblasti radnih odnosa, odnosno da ima iskustvo u oblasti socijalnog dijaloga i kolektivnog pregovaranja,

d) da nije osuđivano za krivično djelo.

(3) Izbor miritelja i arbitara vrši se putem javnog poziva koji objavljuje Ministarstvo.

(4) Listu miritelja i arbitara utvrđuje federalni ministar u roku od 15 dana od dana isteka roka za podnošenje prijave na javni poziv iz stava (2) ovog člana.

(5) Lista iz stava 3. utvrđuje se na period od četiri godine i objavljuje se u „Službenim novinama Federacije BiH“.

AMANDMAN III

U članu 24. u stavu (1) i (2) u tačkama b) iza riječi „visoku stručnu spremu“ iza zareza riječi „odnosno“ se zamjenjuju sa riječima „ili“.

Obrazloženje

Odredba člana 24. stav (1) i (2), tačke b) su nejasno definisane.

Može se tumačiti da za miritelja i arbitra može biti izabrano samo lice koje je završilo fakultet po novom sistemu obrazovanja - bolonjskom sistemu. Šta znači „visoka stručna sprema odnosno visoko obrazovanje“.

Potrebno je definisati visoka stručna sprema ili visoko obrazovanje a što je savim precizno i jasno. Na taj način će se spriječiti mogućnost različitog tumačenja odredbi.

Nakon izmjene, član 24. glasi:

(1) Za miritelja i arbitra može da bude izabrano punoljetno lice koje ispunjava sljedeće uvjete:

- a) da je državljanin Bosne i Hercegovine,
- b) da ima visoku stručnu spremu, ili visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja i najmanje pet godina radnog staža u oblasti radnih odnosa,
- c) da je istaknuti stručnjak u oblasti radnih odnosa, odnosno da ima iskustvo u oblasti socijalnog dijaloga ikolektivnog pregovaranja, d) da nije osuđivano za krivično djelo.

(2) Za arbitra može da bude izabrano punoljetno lice koje ispunjava sljedeće uvjete:

- a) da je državljanin Bosne i Hercegovine,
- b) da ima visoku stručnu spremu, ili visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja za sticanje diplome pravne ili upravne struke i najmanje deset godina radnog staža u oblasti radnih odnosa,
- c) da je istaknuti stručnjak u oblasti radnih odnosa, odnosno da ima iskustvo u oblasti socijalnog dijaloga i kolektivnog pregovaranja, d) da nije osuđivano za krivično djelo.

(3) Izbor miritelja i arbitara vrši se putem javnog poziva koji objavljuje Ministarstvo.

(4) Listu miritelja i arbitara utvrđuje federalni ministar u roku od 15 dana od dana isteka roka za podnošenje prijave na javni poziv iz stava (2) ovog člana.

(5) Lista iz stava 3. utvrđuje se na period od četiri godine i objavljuje se u „Službenim novinama Federacije BiH“.

